


## Avataasiorluni aalisarneq kvartalip pingajuat 2018

### 2018-imi kvartalip pingajuat ilanngullugu avataasiorluni tunisassiuutigalugu aalisarnermi pisat

Avataasiorluni nammineq tunisassiuutigalugu 2018-imi aalisarnermi kvartalip pingajuat ilanngullugu pisat matumuuna kisitsisaataasivitsinni takuneqarsinnaalerput. Uani pineqarput aalisariutit namminneq tunisassiorfillit nunatta nunallu allat imartaani aalisakkanik qalerualinnillu pisaat. Aammattaaq kisitsisaataasivimmi nunat allat aalisariutaasa nunatta imartaani kvartalip pingajuat ilanngullugu pisaat takuneqarsinnaanngorput.

Maluginiaqquneqarpoq avataasiorluni aalisarnermi pisatut pineqartut tassaamata nammineq aalisariummi tunisassiat, ima paasillugu, kinguppaat, qalerallit saarulliillu avataasiortunit aalisakkerivinnut tunisat kisitsisini ilaangimmata, taakku tunisinermi naatsorsuutitut ilaareermata.

### Kvartalip pingajuat ilanngullugu pisat 2015-imiit – 2018-imut suussutsinut assigiinngitsunut agguarlugit



Najoqqutaq: Naatsorsueqqissaartarfik – takuuk kisitsisaataasivik <http://bank.stat.gl/FIN008>

### Kisitsisaataasivik:

Kisitsisaataasivimmi avataasiorluni nunatta eqqaani imartanilu allani aalisarnermi pisat 2008-miit 2018-imut kisitsisaateqarfimmi takuneqarsinnaapput.

Allanik immikkut paasisaqarusukkuitt allaffimmi pisortaq Lars Geraae oqarasuaat toqqaanartoq 34 57 87 atorlugu attavigineqarsinnaavoq.